



Na osnovu člana 61. stav (2) Zakona o upravi („Službeni glasnik BiH broj 32/02, 102/09, 72/17“) i Instrukcije o postupku zaključivanja ugovora o djelu broj 01-02-2-3299-1/18, Ministarstvo za ljudska prava i izbjeglice Bosne i Hercegovine objavljuje

JAVNI POZIV

za prikupljanje prijava za angažman vanjskog saradnika

Naručilac posla, Ministarstvo za ljudska prava i izbjeglice Bosne i Hercegovine poziva zainteresovane osobe, koje ispunjavaju uslove iz ovog poziva, na podnošenje prijava radi zaključivanja ugovora o djelu sa saradnikom koji će biti angažovan na poslovima pružanja stručne podrške u radu Odbora za Rome.

Ugovori se zaključuju na period od 12 mjeseci.

Ministarstvo za ljudska prava i izbjeglice BiH ima obavezu da na osnovu usvajenog Akcionog plana za Rome u oblastima zapošljavanja, zdravstvene zaštite i stambenog zbrinjavanja 2017.-2020., *osigura implementaciju Strateškog cilja 1. Poboljšanje postojećih institucionalnih kapaciteta, kojim je predviđeno u Programu 1.1. Jačanje kapaciteta MLJPI-a i zaposlenje jedne osobe romske nacionalnosti.*

Potencijalni kandidati ne mogu biti državni službenici niti zaposlenici, angažovani kao vanjski saradnici ili eksperti na drugim projektima u MLJPI.

Opšti uslovi za poziciju 1. su propisani članom 22. Zakona o državnoj službi u institucijama Bosne i Hercegovine („Službeni glasnik BiH“, br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10 i 40/12).

Izabrani vanjski saradnik biće angažovan na puno radno vrijeme, o čemu će se voditi odgovarajuća evidencija izvršavanja poslova, a u skladu sa opisima poslova kako slijedi:

1. Stručni saradnik za poslove pružanja stručne podrške u radu Odbora za Rome (1 izvršilac)

- pomaže u organizaciji sjednica i pruža administrativno-stručnu i tehničku pomoć u radu Odbora za Rome pri Vijeću ministara BiH,
- sudjeluje u izradi upitnika i prikupljanju podataka posebno o Romima i drugim ranjivim grupama za potrebe izrade izvještaja i drugih materijala,

- radi na izvještaju o provedbi Akcionog plana BiH i utrošku grant sredstava za rješavanje problema Roma iz oblasti zapošljavanja, stambenog zbrinjavanja i zdravstvene zaštite za 2018. godinu na obrascima Vijeće za regionalnu saradnju Vijeća Evrope (RCC),
- pomaže u pripremi III Izvještaj o provođenju zaključnih preporuka po Evropskoj povelji o regionalnim i manjinskim jezicima
- obavlja i druge slične poslova vezane za realizaciju aktivnosti usmjerenih na realizaciju Akcionog plana za Rome

Pored opštih uslova kandidati trebaju ispunjavati i sljedeće posebne uslove:

- VSS VII stepen, završen fakultet društvenog smjera ili diploma bolonjskog sistema studiranja društvenog smjera sa 240 ili 180 ECTS bodova,
- najmanje 1 godine radnog iskustva u struci,
- poznavanje rada na računaru,
- prednost imaju kandidati sa iskustvom u radu na istim ili sličnim poslovima, projektima,
- prednost imaju kandidati sa iskustvom u radu sa pripadnicima romske nacionalne manjine i romskom zajednicom

Mjesto rada: Sarajevo

Troškovi angažmana vanjskog saradnika finansirat će se iz budžeta Ministarstva za ljudska prava i izbjeglice Bosne i Hercegovine za 2019. godinu.

Prijave sa profesionalnom biografijom i dokazima o stručnoj spremi, dostavljaju se na e-mail adresu: ljudprav@mhrr.gov.ba

Prijave se dostavljaju u roku od 7 dana od dana objavljivanja na internet stranici www.mhrr.gov.ba.

MINISTRICA

Semiha Borovac

Br:
Sarajevo, 15. 1. 2019. godine